



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

D. Constantinus Afer, totius Medicinæ artis illustrator. c. XCVIII.

urn:nbn:de:hbz:466:1-38397

D. CONSTANTINVS A FER:
Totius Medicinæ artis illustrator:

Scriptum est enim,
*Disciplina Medici exaltabit caput illius, & in conspe-
ctu magnatorum collaudabitur. Eccles. 38.*

Cap. XCVIII.



ERTIA huius Rami effigies, cuius in manibus liber apertus cerpitur, Donnum Constantinum Africanum, monachum sacri Casini montis, virum perfectò omnium doctrinarum genere præditum, Hebream præterea linguam, Syram, Chaldaicam, Græcam, Persicam, Arabicam, Egyptiacam, Ethiopicam, Indicam, & Latinam, addo & Italicam, perfectè callentem, totiusque Medicinæ artis illustratorem, siue alterum Galenum, representat. Hic Philosophicis studiis plenissimè eruditus, Orientalis, & Occidentis magister, nouusque effulgens Hippocras, de Carthagine, ex qua oriundus erat, egrediens, Babiloniam petijt, in qua Grammatica, Dialectica, Rethorica, Geometria, Arithmetica, Mathematica, Astronomia, Musica, Phisicaque Chaldæorum, Arabum, Persarum, Saracenorum ad perfectum edoctus est: indeque discedens Indiam adiit, eorumque se studiis erudiendum tradidit; quorum artibus imbutus, Ethiopiam petijt, vbi rursus Ethiopis discipulis eruditur: exinde in Egyptum profectus, Egyptiorum quoque artibus informatus est. Completis igitur in ediscendis istiusmodi studiis triginta & nonem annorum curriculis, ad Africam reuersus est: quem ita eruditum omnium linguis, & litteris, intermere Afri cogitabant. Quod ille ubi didicit, clam fugiens, Salernum venit, ibique in habitu mendici aliquandiu latuit. Inde à fratre Babyloniorum regis, qui eò tunc venerat, agnitus, Robertoque Duci magnificè est commendatus. Postmodum verò relictis omnibus, Casinense cœnobium petens, monachus effectus est, sub Desiderio, qui postea Victor Papa III. tunc Abbate. In eo autem cœnobio positus, transtulit ex diuersarum gentium linguis plurimos libros, aliosque ipse composuit ad rem medicam pertinentes, qui apud Medicos magno in precio habentur. Eius autem opera excussa sunt Basileæ tomis 2. an. 1536. In quorum primo hæc continetur:

CCCC 3 De

De morborum cognitione, & curatione, à capite usque ad pedes, lib. 7.

De remediorum, & egritudinum cognitione, liber aureus, qui est quasi compendium septem precedentium.

De urinis, lib. 1.

De stomachi affectionibus naturalibus, & præter naturam ad Alpharium Episcopum, lib. 1.

De victus ratione variorum morborum, lib. 1.

De melancholia, lib. 2.

De coitu, lib. 1.

De animæ, & spiritus discrimine, lib. 1.

Epistola una de incantationibus.

De passionibus mulierum & matricis, lib. 1.

De Chirurgia, lib. 1.

De gradibus simplicium medicamentorum, &c. lib. 1.

Tomo 2. hæc sunt: De humana natura. De elephantia.

De remedijs ex animalibus. Viaticum medicina, lib. 1.

Pantechni, lib. 12.

De communibus Medico cogniti necessariis locis, ad Desiderium Abbatem (qui propriè Theorices sunt) libri decem, excusi sunt Basileæ anno 1539. in folio.

Translulit de Græco, & Arabico in Latinū, Diætas universales, li. 5.

Diætas particulares, lib. 3. De ponderibus medicinalibus, lib. 1.

Aliquot Galeni in Hippocratem libros.

Isaaci librum Hæbraicum de Diætis.

De Arabico, librum de febribus.

Disputationem Platonis, & Hippocratis in sententijs.

Composuit etiā expositionem Tegni, Magategni, Microtegni, Antidotarium. Prognostica quoque. De experimentis.

Glosam herbarum, & sperierum. De medicamine oculorum. Et alia multa, quæ nec uidi, nec ab alijs prolixitatis euitandæ gratia non recensentur. Nouissimè tandem senex, & plenus dierum, de monastico Ordine, ac disciplina Medicea bene meritus, migravit ad Dominum in monasterio montis Casini, ubi & sepultus est anno Do. 1080. uel circiter. *Chronicon Cas. lib. 3. c. 34. Pet. Diac. de script. mont. Cas. c. 23. Tritt. de script. Eccles. & de uir. ill. ord. S. Bened. c. 70. & alij nonnulli.*